



## **Universitätsbibliothek Paderborn**

**Evropeae Historiae Societatis Iesv Pars ...**

Anglia

**Bartoli, Daniello**

**Lvgdvni, 1671**

Capvt Primvm. Libri argumentum. Elizabethæ morbus, & mors & anceps  
de iis historia. Iacobus Re Scotiæ, Rex Angliæ proclamatur. Sacerdotibus  
carcer exilio mutatur. De P. Vvestono, & F. Emersono.

**urn:nbn:de:hbz:466:1-10773**



## LIBER SEXTVS.

*Libri argumentum. Elizabethæ morbus, & mors  
& anceps de iis historia. Iacobus Rex Scotia,  
Rex Anglia proclamatur. sacerdotibus carcer  
exilio mutatur. De P.Vestono, & F.Emersono.*

### C A P V T P R I M V M.

**N**OVA se nobis hic scena pandit sub anni exitum 1602. malorum potius accessu quam nouitate spectabilis, principio quidem Catholicis læta (quorum mihi alternae bonorum, & malorum vices pro argumento,) subinde vero ut solent fabulæ, adiectione aduersorum & terribilium denique funesta, & miserabilis. Horum casuum euentus multiplices, & perplexos euoluet hic liber narratione perpetua annorum quatuor morte videlicet Elizabethæ, successione Iacobi Regis, nouæ adiisque retro seculis inauditæ coagmentatione Monarchiæ, ex Anglia, Scotia, & Hibernia conflatae promissis, ac spebus noui Regis in Catholicorum leuamentum; sed falsa delusis expectatione; è contrario Regis noui, certè nouis, sed intolerandis ad cruentas Elizabethæ adiectionis legibus, & noua sanctis Parlamenti confirmatione. Desperatione tandem, pessima remediorum consiliaria, quæ paucos Catholicos malorum impatientia (quorum penes Deum arbitrium permitti debuit, & dispensatio) transuersos egit in violentas machinationes, sibique exitio futuras.

Postremo erat futurum prodigo simile, si eius machinationis suspicionem omnem nostri euaderent: de tribus illorum accusatis, unus carniciei traditur, duo severa indagatione frustra requiruntur, promiscue cœteri, vel superstites vel fato iam functi, stylo, & libris, & mendaci fama, proditorum suppicio ubique addicuntur. Progrediamur ordine à primo capite. Laborabat pridem Regina grauissimè, senectutis primum crescente in dies, & insanabili, & tristi morbo, sibi quoque nedum & aliis vix tolerabili, ægrè illi erat à cadenti sole, adorationes in orientem iam conferri, vitamque suam videri hominibus longiorem, & regnum prolixius, quod ex officiis etiam intimorum, & quos prærogatiis honoribus auxerat, erga regem Iacobum propensioribus, versata & suspicax femina

nimio plus intelligebat. Volens ergo semper qua viua & vegeta ; qua Regina & potens omnium haberi, aliis in summum attollendis ; deprimendis aliis ad ima , duobus principum brachiis , spe ac metu sustentabat se. Hinc Robertus Cæcilius Regni totius capitibus summis impositus ; hinc Essexensis Comitis sibi & omnibus dilecti ferro carnificis abscissum caput, digni certe si minus venia; honestiori saltem poena , & nobiliori ; cuius sœnum casum , & regni nobilitas , quæ tota iuuenem ferebat in oculis acerbissimè doluit ; & ipsa dum vixit Regina mœtore adeò non consolabili, ut aliquando castrum præteruehens ubi Comes fuerat comprehensus , insanis illum vocibus & ad usque faucium pulmonisque defectum inclamaret. Quo usus mœtore Cæcilius coepit illi Regni primarios omnes suspectos facere, velut Comitis morte implacabiliter offendos ; & Magistræ licet versutiarum aulicarum , Minister iuuenis & vafer ita persuasit esse ab omnibus cauendum , ut se totidem cinctam insidiatoribus putaret & hostibus , quot habebat subiectos , vniue demum Cæcilio se, regnumque crederet vniuersum. Quam ille supremam potestatem, sic ad noui Regis promerendam gratiam contulit , ut is propensiis Angliae coronam de manu Cæciliij caperet , quam de iure suarum rationum. Vnde illi suprema sub Iacobo supra omnes Anglos auctoritas, opulentia, & potestas.

Regina interim motositatem qua præfocabatur , & cogitationes anxias tantisper laxatura, Richmondum deferri voluit, deliciarum palatum, quod Nidum suum solita erat nominare , & fractæ requiem senectutis. Illuc sub Ianuarij exitum delata, ægrotauit Martio ineunte , tribusque inde hebdomadis obiit. Et hæc quidem de meo dicta sunt , cæterorum penes historicos , & catos lectores fides esto. Narrat Camdenus hæreticus secessum illum ab ea captatum , ut illic se Deo totam daret , simul amenitate loci medicaretur atram bilem qua grauissimè laborabat ; haud tamen adeo potuisse illam diluere , quin crebro rumperet cæcus mœtor desperabundas voces , & lamenta. Væ sibi miseræ ! & proh ! se desertam , destitutamque ab omnibus ! retro sibi rotam verissime fortunam ; solam se , penitus , & sibi cui consideret restare neminem ; gulam sibi capistro obstringi, aliaque humiliandi quibus innuebantur plura , quam exprimerentur : inde lecto affixam curationem spreuisse medicorum, fastidiosam , cogitabundam, lucem, adeuntes, visentes , affantes auersatam , Cantuariensi excepto antistite qui æternis de rebus cum ea suauiter agebat. Urgente demum morbi , & mortis articulo, rogatam à Nortinghamiæ Comite , à summo Præfecto maris Britannici , ab sigilli regij custode , à Regni scriba paucisque aliis, quem sibi diceret in regno Angliæ successorem ? Variè nec satis liquido respondisse , non alios quam Regem Iacobum Scotorum duobusque post horis ante medianam noctem , die Martis vigesimo quarto, & anni nouum intra seculum secundi ultimò viuere desissem , euðaracīa defunctam illa quam sibi Augustus quondam optauerat , expedita nimitem , & longi vacua cruciatus. Hæc historia Camdeni , ab iis multum diuersa , quæ honoraria ipsius spectabant & scripserant famulæ , quæ interfuerant morienti , quas inter fusi

fusus matrona de stirpe Southuelliiorum ; refert de icona aurea ignotis impressa characterum notis, Reginæ quidem à duobus aulicis oblata, sed à Cornubiensi muliere dono ad eam missa, quæ annos viginti supra centum, cum eo ad collum amuleto vitam produxerat, eandem vero circumligata Reginæ collo, secutos effectus prodigiosæ nouitatis, quos longum sit nec meum scribere, quin neque de illis philosophati ex mente aliorum; nec de cadauere nihilominus intra conditorum disrupto ; aut cuius efficientiæ vel magiæ icon illa fuerit indagare. Annos regni, & vitæ ; naturæ artisque dotes eximias, & Patri ubique Henrico VIII. & Matri Annæ Boleniæ, fecit mille scriptorum copia, existimatio & fides, orbi adeo explorata ut iis retractandis actum acturus sim.

Sub hæc regni statim præcipua capita quinque, & triginta in concilium coëunt condituri decretum de regni successore. Praefectus urbi Robertus Lecius, Archiepiscopus Cantuariensis, custos Regij sigilli ; summus ætarij arbiter ; maris Britannici Praefectus, Comites nouem, Episcopi alij, & ex flore nobilitatis primariæ. Horum auspiciis & auctoritate, Cæcilius regni Scriba, & Popamus in regno, iuris dicundi Princeps successionis decretum condunt ad Iacobum Stuartum, sextum hoc nomine Scottiæ ab annis triginta sex ; nunc primum Angliæ, & Iberniæ Regem, iure legitimo denoluta ; quod suis muuitum chirographis, postridie mane populus Londinensis in foro maiori à Cæcilio Scriba, solenni lectum, & promulgatum ritu, prosecutus est faustis acclamationibus, & votis æternorum annorum pro Iacobo Rege. Inde ciuitas omnis in festas effusa lætitias, & superbos magnificientiæ publicæ apparatus. Denuntiato post hæc noui Regis delectu eodem, in palatio Regio turris Londinensis, aperti vndique multiplicis carceris (ex consulto Senatus iam antea facto) exitus omnes longum suspirati, & morte Reginæ suscitati qui tot annos in iis computruerant sepulchris, obliuioni mortalium ; velut inter mortuos traditi. Framlinghamensis quoque in suffoldia, & Wvisbicensis cancer in Cantabrigia, Sacerdotibus aperi qui magno numero illic tenebantur ea lege ut simul Anglia exirent, nisi mallent templa Protestantium frequentare. Quæ nefaria lex nonnullis placuit, lugat duos ex nostris, qui cum cœteris Anglia pulsi sunt, cum honore, sanè iis debito comitari ; nam de Guillelmo Vvestono, saepius antehac à me dicto, supersunt etiam illustres reliquiæ, nequaquam silentio obruerendæ. Quadriennium agebat in carcere, cuius illud fuit tolerabilius incommodum, ut tantumnon oculis orbaretur. Sed addit, homo aliqui, de se loquendi mirè parcus, addit, inquam, eorum quæcumque in vita passus esset morborum & dolorum grauitatem, diei unius & noctis ætumnas non æquasse, quas supra quadriennium in carcere exegisset. Somni ministras per dies capti quinquaginta si colligerentur, non conjecturas spatiū horarum decem ; una sibi, planeque singulari misericordis Dei beneficentia caput, & cerebrum constitisse ne in deliria solueretur, sed Dei ipius, & immortalium bonorum resiceretur cogitatione. Appulsus tamen in Belgium, scribensque ad P. Personum, sic se oculis ait, & viribus, & mente

exhaustam ut non valuerit ultra lineas quatuor progredi. Fuisse sibi præterea eodem in carcere cum dæmonibus pugnandum, adspectabili conflicitu suadentibus, urgentibusque extremam desperationem, & restim, cultosque ultro præsentibus quibus momento se carceris illius intoleranda graueolentia, solitudine, frigore, cruciatibus liberaret, omnium inferorum æternitate omni peioribus. Illic mensum spatio quatuor supra quinquaginta, hominis faciem non vidit, nisi tantum custodis, & dæmones assimulatos in species hominum horrendas, & repulsas quas ab eo ferebant plagis vindicantes. Et hæc quidem vir sanctus, sed quibus Deus pro solenni sua bonitate, & profusione consueta suavitatis infinitæ, deliciis animi tam atroces pensaret pugnas nihil ex eo unquam exprimi potuit. Custos profecto ipsius, homo truculentus, tranquillitatem eius animi, & vultus in illo perpessionum æstu perpetuo serenam pro miraculo prædicabat, ludensque in quendam ex Nortonii gente Catholicorum hostem perfidum suæ commissum custodiæ, aiebat in hoc habere se diabolum Calvinistam; in Vvestono Jesuitam sanctum.

Quod si quendam nihilo feciū Vvestonum, Clarkum passus est calumniatores, sanctitatis illius offensos luce, & profectio in Societatem odio rabidos; habuit eosdem calumniarum depulsores, & vindices cum ad furcas Tibornas priusquam eorum pedibus subtraheretur currus, coram populo omnia eiurant quæ contra illum aliosque de nostris falso scripterant, & vulgarant. Duobus vero illis qui se Medices, & Theologizæ iactabant Doctoratu purgationes debemus plenissimas famosarum quas in eum vomuerant accusationum, quarum execrabilis falsitate, socij carceris Sacerdotes, Clementi VIII. Vvestonum, quis in omni vita, quantusque esset, verè sancteque testificati sunt: quibus accessit ab Arcero Vvisbicensi quoque contubernali Sacerdote Vvestoni eiusdem scripta, & vulgata vita, omnium virtutum tolerantiæ præsertim & charitatis insignibus mira, & tam nobilibus atque illustribus calumniatorum vitæ obiecta parallelis, ut iis opus alia palinodia non esset. Verum de hac alias, haud quantum sat, sed quantum decuit. Non possum tamen omittere quod addit Arcestrus, discessu Vvestoni ex carcere Vvisbicensi, discessisse cum eo pariter consuetudinem precandi & piatum rerum familiarem illic vsum, stipis vero illuc conferri solitæ tam auaram exinde fluxisse largitatem ut oportuerit quamplurimos in Framlingami carcerem transferri, qui eorum saluti exitio fuit.

Serius aliis mense uno, carcere missus est Vvestonus, Senatoribus procrastinantibus subscriptionem eius libertatis. Subscripta demum & octo ferè diebus ante sacrum Pentecostes diem, anno vertentis seculi tertio. Et ecce tibi amoris intimi planeque inexpectati miraculum, quo illi custodem tam arde conciliauerat patientiae incomparabilis diuturnum spectaculum, ut eum ad prandium habere conuiuam voluerit, dono illi regales nummulos dederit octoginta. Domum intra septa castelli commodam illi aptauexit; amplam eius visendi facultatem amicis omnibus fecerit. Inde Maij tertio

tertio eductus extra turris portas multitudinem inuenit omnis generis hominum. Cernere hominem auebant Protestantes qui annos septemdecim vario sepultus carcere, fama vbiique clarebat sanctitatis. Volabant Catholici eius pedibus aduolui, & fausta sibi adprecantem de genibus audire, mixtis dolore, & gaudio ob eius discessum lachrymis. Stabat expedita in remos cymba ad radices Turris, altera noctis hora cum prono alveo Grauesendum vectura; inde terra Cantuariam, & ad mare ducendum; comitabantur custodes Regij tres, quoad fretum transuersti, eum Caleti statuissent, huic Itio in portu Cantuariæ è regione sito.

Erat amnis ad ripam domus valde ampla, in eam ingressus, discessum expectans, refertam inuenit Catholicis à quibus certatim instaurari complexus, & lachrymæ, & omnis intimi amoris significatio, suum quibusque, nam vrgebat hora, raptim vrgentibus; aliis consolationem quam ab eo sperabant; aliis optata de animi rebus consilia; promissiones precum aliis, felicesque interim ab eo precationes; multis virorum nobilium à quibus venerant salutationes; tam multis vero quà propria sua, quà aliena procul & longinquæ manu ingentibus illi nummos ut non potuerit eorum repulsa non offendere complures, firmus reicere omnia nisi pacillum illud, quo usque Audomarum egebat. Vnum ipsemet inter alios refert, qui tam incredibili affectu aureæ monetæ non paruum numerum in manu sibi posuerat, vt eius consulens tam egregiæ voluntati & merito planè singulari, (videbatur enim conditione pauper, & quicquid haberet in rebus humanis hoc totum dare) munus ratum haberet, & acceptum ferret; moxque illi velut iam ad se pertinens, inuito licet, multumqæ obstanti redonaret. Sic post nouem & decem annos commorationis in Anglia, duos nempe solos libertatis, cœteros carceris deportatus est in perpetuum exilium Vvestonus [Heri scribit Garnetus ad quartum Maij, Londino Vvestonus discessit, prærogativa virtutis, & innocentia admirationi omnibus, & amori, Catholicis iuxta, & hostibus; hoc enim valet eminētia virtutis apud illos qui præ segnitie illam hospitem nolunt, vel præ inuidia & malignitate, in aliis eam insestantur.

Vixit suis tot malis superstes Vvestonus annos duodecim in Hispania Vallisoleti præcipue, Seminarij Anglorum curam gerens, vbiique nostris, & omnibus mirè carus & in ea veneratione quam potest maximam patere, religiosæ sanctitas probitatis, tam longa, & fortis omnium aduersorum perspicie lentata, & exagitata, ut esse oportuerit prorsus heroicam, alias minime tot sub malleis duratura. Hinc illa hominum ætate, ac notæ virtutis professione diuturna illustrium, tanta in illum obseruantia ut ei non puderet adgeniculati, poscereque ab eo benedici. Cumque Anglorum trium celebraretur vulgo dos quædam cuique singularis; Eloquentiæ sacra laus Campiano; Religiosæ grauitatis Personio attribuebatur; vita omni ex parte perfectæ Vvestono. Tametsi Vvestonus Campiani non rudis æstimator, præ cœtero virti Apostolici paratu, eloquentiam eius minimi faceret. Ea propter in Angliam regressum cogitans, Guillelmum Edmundo commutauit, sperans assidua nominis huius appellatione fore sibi semper

K k k

in mente Campianum , & acrem stimulum repræsentandi diuina eius decora viuendo , quorum memoriam perpetua nominis inculcatio refe-rebat.

Atque ipse tantum non à puerō , eadem illa , sibi proposuerat via græ-sari ad summum absolutissimæ sanctitatis , sui videlicet , suorumque affe-ctuum strenua expugnatione ; contemptione honoris euaniди , fumique adeo cuiusvis qui gloriolæ odorem secum ferret ; continua corporis crucia-tionē ; constantia precandi tanta , vt flexis etiam studeret genibus , ne se ita mens totam speculationi permitteret , vt cor affectibus destitueretur. Nec vero illi erat difficile fixum cœlo tenere animum , cum re nulla in terris lætaretur ; atque ob hoc illi tantus paupertatis amor , & ambitus ; ituro certè in Angliam datæ fuerant vestes seu nouæ seu decentiores prioribus ; iis vt erant relictis , tulit quas gerebat longo vnu tritas , & interpolatas , aiens fore vt Deus pro suo facilius ipsum dignosceret. In equo missus , vt decebat , & eorum qui præferant diætabat charitas , milliaria post pauca datum equum remittit , itineris reliquum sanè longissimi pedes per Galliam ad Portum exigit , ex quo in Angliam traiecit. Sed eius singulæria operum , laborum , & fructuum meminisse , ( inter quos vidit ex iis quos Christo pepererat , vnum vitam pro Christo ponere ) infiniti sit operis. Anno demum ætatis septuagesimo quinto ; Societatis quadrage-simo , supremi discessus nuntium exceptit canens , *Lætatus sum in iis qua dicta sunt mihi , in domum Domini ibimus.* Iuitque plane , vt æquum spera-re , April . 9. anno 1615.

Parentatum est illi Vallisoleti multis locis , eiusque virtutes ab infi-gni eius temporis oratores pro concione celebratae. Cantuariæ natus ; Oxonij florente tunc ibi Campiano Bacelarius ; Duaci triennium Theo-logiæ insumpsit. Romæ inde annorum iam quinque & viginti in Societa-tem ingressus est Nouemb . 5. anno 1575.

Sequitur F. Rodolphus Emersonus ex iis alter quibus noui Regis pri-mordia , exilio carcerem mutarunt , dignus certè hoc inter nostros loco , non modo quod vñus è tribus fuerit qui primi ad sacram Anglicæ mis-sionis expeditionem delecti sunt , Campiano in socium adjunctus , & do-mesticum adiutorem ; sed quod perpetuo in procinctu vitam circumse-frens ad eam fortiter ponendam expeditus semper incederet vbicumque vafer explorator deprehendisset illum Sacerdoti seruire , præsertim ve-ro Iesuitæ. Sacratam ergo semel Deo vitam , & in omnes deuotam iu-bentium nutus , & hostium gladios ; nunquam deinceps habuit pro sua ; nullius vñquam periculi metu sic exterritus est , quin se statim maiori constanter obiiceret. Campiano beatè mortuo Comes itineris Creydono , & Holto in Scotiam datus est , inde Personio aliquamdiu suam in Gal-lia nauauit operam , tandemque cum Vvestono in Angliæ pericula rediit , captusque ipso statim in aditu librorum indicio quos licet pœ-na capitis vetitos ingenti secum ferebat numero quod essent ingentem inter Catholicos edituri fructum , sic extra viuos conditus est , vt V-stantus

stonus per annum integrum nullis aut nuntiis, aut cuniculorum indicis vllave industria subolere potuerit vbi esset. Fuerat opinor is cancer tam altè sepultus, expectatio grauiorum. Illinc tamen emersus, & Clinkio clausus, P. Gerardi consuetudine diu illic potitus est; fuitque deinde præclarum hoc de illo Gerardi elogium. [ Rodolfus Emersonus, inquit, statura pusillus, animo excelsus, vir fuit malorum tolerantissimus, annos enim complures carcere coarctatus æquè illic se semper valde pium & religiosum, & qualem decebat, Germanum Societatis alumnum exhibuit. Clinkio aliis cum Christi militibus Vvisbicu translatu morbo corripit ad accessionem meritorum lethali, nec diuturnitate medicabili, nec arte. Solutis enim paralysi nervis, toto captus repente corpore inutilis iacuit, qua sui morte dimidia, vitæ passus iacturam dimidiæ, iniictæ nihilominus exemplo patientiæ semper fuit. Post annos tandem ærumnosissimæ custodiæ viginti, cum Sacerdotibus aliis, anno seculi tertio deportatus, Audomari vitam sancto fine absoluit.]

Debito perfuneti honoris officio, quod horum duorum præstantibus meritis negari à nobis sat inculpatè non potuit; seriem dicendorum, tantisper omissam, repetamus.

Atque imprimis rationes ordine ponamus, quibus in Anglia non spectabant modo Catholici sed certò sibi audebant polliceri nouum Regem aut penitus, aut magna ex parte amoturum Pondus, quo sanè intolabili ab Elizabetha oppressi fuerant. Post contra spem omnem tam confidentis expectationis, instauratas ab Rege crudelius vexationes Catholicæ fidei, & Catholicorum. Exinde tertio desperata paucorum consilia, & coniuratū cuniculum igniariæ machinationis, cuius vomitu Rex, & flos nobilium regnique sapientes, promiscuè vt fontes sic insolentes dispuluerandi membratim erant in aëra. Postremo vertente consilia in auctores Deo, rupta eos machina non modo obrutos, sed vna innocentes, alienosque prorsus ab ea coniuratione. Hæc vt coner breuiter scribere, prorsus non fecero; cum & rationibus egeam, & factis: fictis simul & veris, ad secernendos, quod specto potissimum, à reis innocentibus, quæ ratiocanti est, vt dissipatura sit opinor, si quid tardij ex prolixitate oriatur.

